



Na osnovu čl. 25. i 74. Statuta Općine Centar Sarajevo – prečišćen tekst („Službene novine Kantona Sarajevo“, broj 23/04) i člana 4. Odluke o dodjeli sredstava za sufinansiranje troškova ekskurzije za djecu slabijeg imovnog stanja („Službene novine Kantona Sarajevo“, br. 9/20 i 2/23) Općinski načelnik upućuje

## JAVNI POZIV

### za dodjelu sredstava sufinansiranja troškova ekskurzije za djecu slabijeg imovnog stanja

#### 1. PRAVO NA PODRŠKU:

Mogu ostvariti učenici završnih razreda osnovnih i srednjih škola koji redovno pohađaju školu i koji ispunjavaju slijedeće uslove:

- da imaju prebivalište na području općine Centar Sarajevo;
- da ukupna primanja domaćinstva ne prelaze iznos od 1.000,00 KM.

Ekskurzija predstavlja oblik odgojno-obrazovnog rada koji se ostvaruje kroz višednevna putovanja i boravak učenika završnih razreda osnovne i srednje škole u pratnji zaposlenika škole, koje organizuje i realizuje škola u saradnji sa turističkom agencijom i koja kao takva obavezno uključuje "turistički paket/aranžman", i to radi posjete prirodnim, obrazovnim, kulturnim, sportskim, turističkim i tehničkim odredištima izvan sjedišta škole, a u skladu sa zadacima ovog odgojno-obrazovnog oblika rada.

#### 2. NAČIN DODJELE NOVČANIH SREDSTAVA

Sredstva za sufinansiranje troškova ekskurzije dodjeljivati će se na osnovu podnesenih zahtjeva i iznositi će:

- do 200,00 KM za učenike završnih razreda osnovne škole;
- do 400,00 KM za učenike završnih razreda srednjih škola.

Ukoliko su troškovi ekskurzije manji od navedenih iznosa, Općina će finansirati iznos stvarnih troškova.

#### 3. POTREBNA DOKUMENTACIJA

Podnosioci zahtjeva obavezni su uz prijavu dostaviti slijedeće dokumente (original ili ovjerene kopije):

- CIPS prijava o mjestu prebivališta učenika (ne starija od 6 mjeseci);
- obavijest/potvrda škole o izabranoj turističkoj agenciji, ukupnoj cijeni aranžmana po učeniku, sa navedenim brojem transakcijskog računa agencije,
- kućnu listu,
- dokaze o primanjima odnosno školovanju članova domaćinstva (platna lista za zaposlene, za nezaposlene potvrdu o nezaposlenosti, a ako nisu prijavljeni kod Zavoda, uvjerenje Federalnog zavoda PIO/MIO da nisu na evidenciji; potvrdu o redovnom školovanju člana porodice)

Zahtjev sa dokumentacijom podnosi se Službi za obrazovanje, društvene djelatnosti, kulturu i sport – Odsjek za obrazovanje i društvene djelatnosti putem pošte ili na protokol Općine Centar Sarajevo ulica Mis Irbina 1.

Za sve dodatne informacije zainteresovana lica mogu pozvati broj telefona 033/562-393.

Javni poziv će biti otvoren tokom cijele 2023. godine, odnosno do utroška sredstava za ovu namjenu.